

Dušanka Majkić

Zatražila da se uputi urgencija Ministarstvu odbrane BiH za dostavu odgovora na pitanja postavljena na 8. sjednici, održanoj 25.8.2011., i 14. sjednici, održanoj 24.11.2011.

Pitanja s 8. sjednice glase:

1. „Da li su, kada i na koji način Ministarstvo odbrane BiH i Zajednički štab upoznati s informacijama nadležnih službi o neispravnosti helikoptera koji su došli s remonta iz Ukrajine i Ikara?
2. Da li su i kada Ministarstvo odbrane BiH i Zajednički štab formirali stručnu komisiju radi ispitivanja navoda supervizora i tehničkih inspektora o uočenim neispravnostima nakon završetka remonta i kakvi su ti nalazi? Staviti mi na uvid izvještaj komisije.
3. Koji je zakonski osnov kažnjavanja pukovnika Predraga Planinčića i zastavnika Duška Mrđe koji su zbog objavljenog teksta u dnevnim novinama "Glas Srpske", od 6.9.2010., kažnjeni najstrožijom kaznom petomjesečnim umanjenjem plaće od 21% i pored nalaza istražnog tima Vojne policije, što je kasnije potvrdilo i Tužilaštvo BiH i Okružno tužilaštvo u Banjoj Luci, da ne postoje nikakvi dokazi o njihovoj odgovornosti? Čime pravdate očitu diskreditaciju srpskih oficira od strane Oružanih snaga BiH?
4. Zašto major Jelisaveta Kockar, doktor zrakoplovne medicine, shodno Pravilniku o vojnim letaćima i formacijskom mjestu, do danas nije ostvarila pravo na letaćki dodatak? Ko i s kakvim namjerama u Oružanim snagama BiH provodi klasičan mobing nad imenovanom? Čime pravdate diskreditaciju najstručnijih srpskih kadrova?“

Pitanja s 14. sjednice glase:

1. „Da li Ministarstvo odbrane BiH ima jasne procedure uništavanja municije i MES-a van kapaciteta Oružanih snaga BiH? Ako ima, zašto ih ne primjenjuje?
2. Šta se dogodilo s delaboriranim elementima dobivenim prilikom uništavanja 506 tona municije (pilot projekat)?
3. Kada je Ministarstvo odbrane BiH obaviješteno o nestanku 11.530 kg TNT-a u „Pretisu“ (navesti datum)?
4. Zašto Ministarstvo odbrane BiH ne rješava pitanje prodaje preko 1.000 tona delaboriranih elemenata municije i MES-a na lokaciji radionice TROM u Doboju, koji su uskladišteni i razdvojeni po entitetskoj pripadnosti?
5. Zašto Ministarstvo odbrane BiH ne rješava pitanje prodaje eksploziva nastalog dosadašnjim delaboracijama (uskladišten i razdvojen po entitetskoj pripadnosti)?
6. Da li je Ministarstvo odbrane BiH upoznato s Mišljenjem Ministarstva pravde BiH broj: 08-02-4-12784/10, od 26.11.2010., u vezi s pravom na prodaju delaboriranih elemenata (što je u suprotnosti sa Zakonom o odbrani i Zakonom o ministarstvima i drugim organima uprave)?
7. Da li je Ministarstvo odbrane BiH sačinilo cjelovitu analizu propusta u procesu provođenja pilot projekta uništavanja višaka naoružanja i MES-a, kao i plan mjera za otklanjanje nedostataka uništavanja?“